

四庫全書

子部

欽定四庫全書

子部

景岳全書卷六十一

詳校官太醫院醫官臣姜晟

編修臣倉聖脈覆勘

總校官原任中允臣王燕緒

校對官原任編修臣勵守謙

謄錄監生臣邵敬修

欽定四庫全書

景岳全書卷六十一

明 張介賓 撰

婦人

安胎飲 一 治妊娠五七個月用數服可保全產

人參

白朮

當歸

熟地

川芎

白芍藥

陳皮

甘草

灸

紫蘇

炙黃芩

各一錢

右用薑水煎服○一方有砂仁

安胎散二 治妊娠卒然腰痛下血

熟地

艾葉

白芍炒

川芎

黃芪炒

阿膠炒

當歸

甘草炙

地榆各一錢

右加薑棗水煎服

泰山盤石散三

治婦人血氣兩虛或肥而不實或瘦

而血熱或脾肝素虛倦怠少食屢有墮胎之患此方

平和兼養脾胃氣血覺有熱者倍黃芩少用砂仁覺
胃弱者多用砂仁少加黃芩更宜戒慾事惱怒遠酒
醋辛熱之物可永保無墮○徐東臯曰婦人凡懷胎
二三個月慣要墮落名曰小產此由體弱氣血兩虛
藏府火多血分受熱以致然也醫家又謂安胎多用
艾附砂仁熱補尤增禍患而速其墮矣殊不知血氣
清和無火煎燥則胎自安而固氣虛則提不住血熱
則溢妄行欲其不墮得乎香附雖云快氣開鬱多用

則損正氣砂仁快脾氣多用亦耗真氣况香燥之性
氣血兩傷求以安胎適又損胎而反墮也今惟太山
磐石散千金保孕丸二方能奪化工之妙百發百效
萬無一失甫故表而出之以爲好生君子共知也

人參

黃芪

當歸

川續斷

黃芩

各一錢

川芎

白芍藥

熟地

各八分

白朮

二錢

炙甘草

砂仁

各五分

糯米

一撮

水一鍾半煎七分食遠服但覺有孕三五日常用一

服四月之後方無慮也

地黃當歸湯

四

一名內補丸○治妊娠衝任脈虛補

血安胎

熟地

二兩

當歸

一兩

右每服五錢水煎服○爲丸法以當歸炒爲末熟地
蒸搗膏和丸桐子大每服百餘丸溫酒或滾湯下○

許學士曰大率妊娠惟在抑陽助陰然胎前藥最惡
陰陽雜亂致生他病惟枳殼湯所以抑陽四物湯所

以助陰耳然枳殼湯其味多寒若單服恐致胎寒腹痛更以內補丸佐之則陽不致強陰不致弱陰陽調和有益胎嗣此前人未嘗論及也

良方

當歸湯 五

治胎動煩躁或生理不順唇口青黑手

足厥冷

當歸

人參

各二
三錢

阿膠 炒

甘草

炒各
一錢

連根葱白

一握

右水四碗煎四味至半去滓下葱再煎一碗分二服

良方阿膠散^六 或頓仆或因毒藥胎動不安或脇痛腹

痛上搶短氣

阿膠

艾葉

當歸

熟地

川芎

白芍

黃芪

炙甘草等分

右每服四錢薑棗水煎

良方膠艾湯^七 治妊娠頓仆胎動不安腰腹疼痛或胎

上搶或去血腹痛○又金匱膠艾湯在後九十三

阿膠

炒一兩

艾葉

數莖

右二味以水五升煮取二升分三服

七味阿膠散八

治胎動腹痛

阿膠

白茯苓

白朮炒

川芎

當歸

陳皮

各一錢

甘草

炒三分

右薑棗水煎服

良方黃芪湯九

治氣虛胎動腹痛下水

糯米一合

黃芪炒

川芎

各一兩

右水煎分三服

良鈎藤湯 十

治妊娠胎動腹痛面青冷汗氣欲絕

鈎藤鈎

當歸

茯神

桑寄生

人參

各一錢

苦梗

一錢半

右水煎服○如有煩熱加石膏

良白朮散 十一

治妊娠傷寒內熱等證

白朮

黃芩

炒各二錢

右用薑棗水煎服○若陰證者不可用

良方三味白朮湯 十二

治妊娠內熱心痛

白朮 四錢

赤芍藥 三錢
黃芩 炒二錢

右水煎服○忌桃李雀肉

良方 四味白朮湯 十三

治妊娠胃虛惡阻吐水甚至十

餘日漿粥不入

白朮

炒一錢

人參 五分

甘草 炒

丁香

各二分

右薑水煎服

全生白朮散 十四

治妊娠面目虛浮四肢腫如水氣

名曰胎腫

白朮 一兩

生薑皮

大腹皮

陳皮

白茯苓

各半
兩

右爲末每服二錢米飲下○如未應佐以人參甘草

探胎飲 十五

婦人經水不來三月疑似用此驗之

川芎

不拘多少爲
末不見火

空心煎艾湯調下方寸匕覺腹中動則有胎也臍之
下動者乃血凝也不動者血凝也病也

當歸芍藥湯 十六

治妊娠心腹急痛或去血過多而

眩運

當歸

白芍藥炒

白朮炒

茯苓

澤瀉

各一錢

川芎二錢

右水煎服

益母地黃湯十七

治妊娠跌墜腹痛下血

生地

益母草

各二錢

當歸

黃芪

炒各一錢

右薑水煎服

良方獨聖散十八

治妊娠有所傷觸激動胎元腹痛下

血極效

砂仁

不拘多少帶皮同炒
勿令焦黑取仁爲末

右用熱酒調服四五分或一錢○此物有安胎導滯
易產之功實妊婦之要藥也

良方

安胎寄生湯

十九

治妊娠下血或胎不安或腰腹

作痛

桑寄生

白朮

茯苓

各五分

甘草 一錢

右水煎服

二黃散 二十

治胎漏下血或內熱晡熱或頭痛頭暈

或煩躁作渴或脇肋脹痛等證

生地

熟地

右爲末每服三錢煎白朮枳殼湯下

四聖散 二一

治漏胎下血

條芩

白朮

砂仁

阿膠

各等分

右爲細末每服二錢艾湯調下○一方有芍藥無阿

膠○按此方若改爲湯砂仁用當減半

良方續斷湯 二二

治妊娠下血尿血

當歸

生地黄

各一兩

續斷

赤芍藥

各半

兩

右爲末每服二錢空心用葱白煎湯調下

枳殼湯 二三

治胎漏下血或因事下血亦進食和中

并治惡阻

枳殼

炒

黃芩

炙各半兩

白朮

炒一兩

右爲末每服一錢白湯調下○前四證若因脾胃虛

弱宜用補中益氣湯加五味○若因脾胃虛陷宜用
前湯倍加升麻柴胡○若因晡熱內熱宜用逍遙散
滑胎枳殼散 二四 此方能令胎瘦產易○湖陽公主

每產累日不下南山道人進此方

粉草

炒一兩

商州枳殼

麩炒二兩

右爲末每服二錢空心沸湯調日三服凡孕六七月
宜服之○溫隱居方加當歸廣木香各等分○或加
香附一兩亦可

枳殼散 二五

方在寒陣百一

治婦人血熱氣滯經候不調

金^千鯉魚湯 二六

治妊娠腹脹胎中有水氣遍身浮腫

小便不利或胎死腹中皆效

當歸

芍藥 各一錢

白朮 一錢

茯苓 一錢半

橘紅 五分

鯉魚 一尾不拘大小

右作一服將鯉魚去鱗臟白水煮熟去魚用汁鍾半

入藥加生薑五片煎一鍾空心服當見胎水下如水

未盡胎死腹中脹悶未除再制一服水盡脹消乃已

竹葉湯

二七

治妊娠心驚膽怯煩悶不安名曰子煩

○一方有當歸防風梔子仁

白茯苓

麥門冬

黃芩

各三兩

右每服四錢竹葉五片水煎服○若因血虛煩熱宜兼用四物○若因中氣虛弱宜兼用四君

紫蘇飲

二八

治妊娠失調胎氣不安上疔作痛名曰

子懸或臨產氣結不下等證

大腹皮

川芎

白芍藥

陳皮

蘇葉

當歸 各一兩

人參

甘草 各半兩

右每服一兩薑蔥水煎服○一方有香附無人參○
若肝脾氣血虛而有火不安宜兼逍遙散○若脾氣
虛弱而不安宜用四君芎歸

安榮散 二九

治妊娠小便澁少遂成淋瀝名曰子淋

甚妙

麥門冬

通草

滑石

當歸

燈心

甘草

人參

細辛等分

右水煎服○一方人參細辛加倍爲末每服二錢麥冬湯調服○若因肺經鬱熱宜用黃芩清肺飲○若因膏粱厚味宜用清胃散○若因肝經濕熱宜用加味逍遙散

天仙藤散

三十

治妊娠三月之後足指發腫漸至腿

膝飲食不甘狀似水氣或脚指間出黃水名曰子氣

天仙藤

洗畧炒

香附炒

陳皮

甘草

烏藥 等分

右每服三五錢加生薑木瓜各三片紫蘇三葉水煎
食前日進三服○若因脾胃虛弱宜兼六君子○中
氣下陷須用補中益氣湯

羚羊角散 三一

治妊娠虛風頸項強直筋脈攣急語

言蹇澁痰涎不利不省人事名曰子癇

羚羊角 銔

川獨活

棗仁

五加皮

薏苡仁 炒

防風

當歸

川芎

茯苓

杏仁

去皮尖
各五分

炙甘草

木香

各一

右加薑五片水煎服○若因肝經風熱或怒火所致
須用加味道遙散

人參橘皮湯

三二

治妊娠脾胃虛弱氣滯惡阻嘔吐

痰水飲食少進益胃和中○一名參橘散

人參

陳皮

麥門冬

白朮

各一
錢

厚朴

制

白茯苓

各五分

炙甘草

三分

右加淡竹茹一塊薑水煎溫服○若因中脘停痰宜

用二陳枳殼○若因飲食停滯宜用六君加枳殼○

若因脾胃虛宜用異功散

竹茹湯 三三

治孕婦嘔吐不止惡心少食服此止嘔

清痰

竹茹

彈子大
一九

陳皮

半夏

茯苓

各錢
半

生薑

二錢

水鍾半粳米一撮煎七分溫服忌羊肉雞魚麩食

良方半夏茯苓湯 三四

治妊娠脾胃虛弱飲食不化嘔

吐不止

半夏

泡炒黃

陳皮

砂仁

炒各一錢

白茯苓

二錢

甘草

炒五分

右用薑棗烏梅水煎服一二劑後用茯苓丸在三九

烏附湯

三五

治孕婦惡心阻食養胃調和元氣

烏藥

香附制

白朮

土炒

陳皮

各一錢

人參

炙甘草

各八分

水鍾半薑三片煎七分服○吐甚者加丁香砂仁各

七粒

千金保孕丸 三六

治妊婦腰背痛善於小產服此可

免墮胎之患○此即良方杜仲丸但彼等分用

杜仲

四兩同糯
米炒去絲

川續斷

二兩
酒洗

右爲末山藥糊丸桐子大每服八九十九空心米飲

下忌酒醋惱怒

一母丸 三七

一名知母丸○治妊娠血熱頓仆胎動

不安或欲墮產

知母

炒爲末

右搗棗肉爲丸彈子大每服一九人參湯嚼送或丸
桐子大每服三四十丸白湯下或嚼嚥之

束胎丸 三八

懷胎七八個月恐胎氣展大難產用此

扶母氣束兒胎易產然必胎氣強盛者乃可服

條黃芩

酒炒勿太熟冬月一兩夏月半兩

白朮 三兩

陳皮 二兩

白茯苓

七錢半

右爲末粥糊丸桐子大每服五十九丸白湯下

茯苓丸 三九

治妊娠煩悶頭暈聞食吐逆或胸腹痛

悶

赤茯苓

人參

桂心

乾薑炮

半夏

泡洗
炒黃

橘紅

各一兩

白朮

炒

甘草炒

枳殼

麩炒各
二兩

右爲末蜜丸桐子大每服五十九丸米飲下日三服○

右原方仍有葛根二兩似非所宜也用者當酌之

達生散 四十

妊娠臨月服十餘劑則易產或加砂仁

枳殼如兼別證以意增減○詩云誕彌厥月先生如
達註曰先生首生也達小羊也羊子易生故以此名
之

人參

白朮

當歸

白芍

陳皮

紫蘇

各一錢

炙甘草

二錢

大腹皮

酒洗

曬乾
三錢

水一鍾半煎服○一方無當歸白芍白朮

佛手散

四一

一名芎歸湯亦名當歸湯○治產後去

血過多煩暈不省并一切胎氣不安亦下死胎

川芎 二錢

當歸 三五錢

右咀每用半兩水煎服○若腹疼加桂○若腹痛自汗頭眩少氣加羊肉若不應用八珍湯○若用下胎當爲末以酒調服

錢氏 生化湯 四二

此錢氏世傳治婦人者

當歸 五錢

川芎 二錢

甘草 炙五分

焦薑 三分

桃仁

十粒 去皮尖雙仁

熟地 三錢

右呔咀水二鍾棗二枚煎八分溫服○一方無熟地
○附加減法○凡胎衣不下或血冷氣閉血枯氣弱
等證連服生化湯二三劑即下或用此送益母丸一
丸即下益益母草行血養血性善走而不傷人者也
○一凡婦人無論胎前產後皆宜此藥○一凡血暈
虛暈加荊芥穗六七分○一凡產婦氣虛氣脫倦怠
無力加人參黃芪○一凡陽虛厥逆加附子肉桂○
一脈虛煩渴加麥冬五味○一氣壅有痰加陳皮竹

澀○一血虛血燥便結加麻仁杏仁茯苓○一多汗
不眠加茯神棗仁黃芪上體多汗加麻黃根下體多
汗加漢防己○一煩熱加丹皮地骨皮○一口噤如
風反張瘕瘕者加荊芥防風各三四分○一惡露未
盡身發寒熱頭痛脇脹其小腹必然脹痛加紅花丹
皮肉桂各三四分玄胡一錢○一內傷飲食加山查
陳皮砂仁或神曲麥芽○一外傷寒濕或加蒼朮白
朮○一血積食積胃有燥糞臍腹脹痛加大黃二錢

○一產後下血不止或如屋漏水沈黑不紅或斷或來或如水或有塊淋瀝不休此氣血大虛之候不可誤用寒涼其脈浮脫者可加附子輩諸陽分藥否則無救矣○佛手散單用當歸三錢川芎二錢此即其變方也

會稽錢氏世傳曰嘗論產證本屬血虛陰亡陽孤氣亦俱病如大補則氣血陡生倘失調則諸邪易襲四物避芍藥之寒四物得薑桃之妙氣毋耗散法兼補

虛食必扶脾勿專消導熱不可用苓連恐致宿穢凝
滯寒不宜用桂附反招新血流崩三陽見表證之多
似可汗也用麻黃則重竭其陽三陰見裏證之劇似
可下也用承氣則大涸其血耳聾脇病乃腎虛惡露
之停休用柴胡譫語汗多乃元弱似邪之證毋同胃
實厥由陽氣之衰難分寒熱非大補不能回陽瘥因
陰血之虧豈論剛柔非滋營胡以潤絡潮熱似瘥以
瘥治則遷延神亂如邪以邪論則立困總屬大虛須

從峻補去血多而大便燥蓯蓉加於生化非潤腸和
氣之能通患汗出而小便難六君倍用參芪必生津
助液之可利加參生化頻服救產後之危活命長生
調攝須產前加意

當歸川芎湯 四三

治小產後瘀血心腹疼痛或發熱

惡寒

當歸

熟地黄

白芍藥

炒

玄胡索

炒

川芎

桃仁

紅花

香附

青皮炒

澤蘭

牡丹皮

右水煎入童便酒各小半○若以手按腹愈痛此是瘀血爲患宜用此藥或失笑散消之○若按之反不痛此是血虛宜用四物參苓白朮○若痛而作嘔此是胃虛宜用六君子○若或作瀉此是脾虛宜用六君子送二神丸

加味芎歸湯四四

治分娩交骨不開或五七日不下

垂死者

生男女婦人髮

一握燒存性

自死龜殼

一個或占過者亦可酥炙

川芎

當歸

各一兩

右咀每用一兩水煎服良久不問生死胎自下

當歸黃芪湯

四五

方在補陣九八

治妊娠下痢腹痛

芎歸補中湯

四六

治氣血虛半產

川芎

當歸

黃芪

炙

白朮

炒

人參

芍藥

炒

杜仲

炒

艾葉

阿膠炒

五味子

杵炒各一錢

甘草

炙五分

右每服五錢水煎服○若脾氣虛弱須用補中益氣

湯○若氣虛有火宜用安胎飲

保生無憂散

四七

臨產服之補其血順其氣或胞胎

肥厚根蒂堅牢者皆使之易產又治小產瘀血腹痛

當歸

川芎

白芍

乳香

枳殼

南木香

血餘

右等分每服二三錢水煎日二服○若胞衣既破其血已涸或元氣困憊急用八珍湯斤許水數碗煎熟時飲救之飲盡再制亦有得生

人參黃芪湯四八

治小產氣虛血下不止

人參

黃芪炒

當歸

白朮炒

白芍炒

艾葉各一錢

阿膠炒二錢

右作一劑水煎服

良方
牛膝散四九

治胎衣不下腹中脹痛急服此藥腐

化而下緩則不救

牛膝

川芎

朴硝

蒲黃

各三兩

當歸

一兩半

桂心

半兩

右每服五錢薑三片加生地黃一錢水煎服

局方黑神散

五十

一名烏金散

靈苑方名肉桂散○

治產後惡露不盡胎衣不下血氣攻心腹痛不止及
治脾腎陰虛血不守舍吐衄等證

黑豆

二兩炒

當歸

去蘆酒洗

熟地

蒲黃

白芍

甘草 灸

乾薑 炮

肉桂 各一兩

右爲末每服二錢童便酒各半調服○良方黑神散
有炮附子半兩無蒲黃

簡黑神散 五一

方在和陣二一一

治一切失血

經驗滑石散 五二

治產難凡水下胎乾胎滯不生用

此最效

滑石 飛過一兩

白蜜

香油 各半盞

右將油蜜慢火熬熟三四沸掠去沫調滑石末頓服
外以油調於產婦臍腹上下摩之立效

難產方 五三

令產婦以自己髮稍含於口中惡心即下亦治胎衣
不下

良方桂心散 五四

治妊娠因病胎不能安者可下之

桂心

瓜蒌

牛膝

瞿麥

各五分或

一錢

當歸

一錢或
二三錢

右水煎

桂香散

五五

治胎死腹中不下

桂心

三錢

射香

五分

右爲末作一服酒調下

下胎小品方

五六

用麥蘖一升搗碎水二升煮一升服之即下神效○

按麥蘖能損氣破血如此故凡脾胃虛弱及飲食不化者不宜用明矣○又方用牛膝一兩酒一鍾煎七

分作二服即下

廣濟下胎方 五七

并下死胎俱效

天花粉 四兩

肉桂

牛膝

豆豉 各三兩

右咀用水七碗煎二碗半分三服每服後一時許又

進一服

扶羸小品方 五八

虛弱人欲下胎宜用此

人參

粉草

川芎

肉桂

乾薑

桃仁

黃芩

蟹爪

右等分每服一兩水二鍾煎八分空心服未動再服
下死胎 五九 凡胎死腹中其舌多見青黑口中甚穢
而嘔腹中不動祇覺陰冷重墜者是

用平胃散一兩以黃酒河水各一鍾煎至一鍾入
朴硝三五錢再煎三五沸溫服其死胎即化水而
出萬不失一○又方單用朴硝末三錢以熱酒和
熱童便調服立出或用佛手散以酒調服亦妙

千金去胎方 六一

大麸麩 五升

漬酒一斗煮二三沸去滓分五服隔宿勿食旦再服
其胎如糜母無所苦千金不傳

良方 礪黃散 六二

治產後陽氣虛寒玉門不閉

礪黃

烏賊骨

五味子

右爲末摻患處日三易

礪黃湯 六三

治產後玉門不斂陰戶突出

礪黃 三錢

兔絲子

吳茱萸

各二錢

蛇牀子

一錢

半

右研勻用水二鍾煎湯頻洗自收

良方益母丸六四

一名返魂丹○治婦人赤白帶惡露

時下不止及治婦人胎前產後經中諸般奇痛無所
不療本草云此草胎前無滯產後無虛故名益母

益母草一味

一名充蔚子一名野天麻方梗對

節生葉葉類火麻四五月間開紫花是白花者

非

右於五月採取曬乾連根莖葉勿犯鐵器磨爲細末
煉蜜丸如彈子大每服一丸用熱酒和童便化下或
隨證用湯引送下○一方以此爲末每服二錢或酒
或童便或隨證用引服之○一方凡產時倉卒未合
只用生益母草搗汁入蜜少許服之其效甚大○一
益母膏方依前採取搗爛以布濾取濃汁用砂鍋文
武火熬成膏如黑砂糖色爲度入磁罐收貯每服二
三匙酒便調下或於治血湯藥中加一匙服之尤妙

良方奪命丹 六五

治瘀血入胞脹滿難下急服此藥血

即消衣自下○按此方頗有迴生丹之功用下死胎
必效須用當歸方

附子

炮半兩

乾漆

碎之炒煙盡

牡丹皮

各一兩

右爲細末另用大黃末一兩以好醋一升同熬成膏
和前藥九桐子大溫酒吞五七丸○一方有當歸一
兩

迴生丹

六六

治婦人產後諸疾污穢未淨及一切實

邪疼痛死胎瘀血衝送等證

大黃膏法 用蘇木三兩河水五碗煎至三碗去
粗聽用 紅花三兩炒黃色用好酒一大壺煮十
餘滾去粗聽用 黑豆三升煮熟存汁三碗去豆
去皮曬乾爲末俱聽用 大黃一斤爲末用好醋
八碗熬成膏次下紅花酒蘇木湯黑豆汁攪勻又
熬成膏盆內收盛候用將鍋焦焙乾爲末同豆皮
末俱入之

人參

白朮

青皮

木瓜

各三錢

當歸

川芎

元胡

蒼朮

香附

童便炒

蒲黃

赤茯苓

桃仁泥

熟地

各一兩

牛膝

三稜

山茱萸

五靈脂

地榆

甘草

薑活

陳皮

白芍

各五錢

良薑

四錢

烏藥

二兩半

木香

乳香

沒藥

各一錢

右爲末用前大黃膏爲丸彈子大金薄爲衣不拘時

隨證擇用湯引送下一丸

斷產灸法

六七

一傳方欲絕產者灸臍下二寸三分

陰動脈中三壯 此當自臍中至骨際拆作五寸約
之

千金斷產方

又六七

四物湯

一劑

芸臺子

一撮即
油菜子

紅花

水鍾半煎八分經後空心服則不受胎

斷產小品方

六八

斷產墮胎有驗

故蠶退紙

方一尺

右燒爲末空心酒調服終身不受孕

丹 漢斷子法 六九

用白麩麪一升無灰酒五升作糊煮至三升半濾去滓分作三服候經至前一日晚五更及天明各喫一

服經即不

一無不字

行終身無子矣

仲景 羊肉湯 七十

治產婦腹中疴痛寒痛血氣不足虛

弱甚者及寒月生產寒氣入於子門手不可犯臍下

脹滿此產後之寒證也并治寒疝腹中痛及脇痛裏
急者

精羯羊肉一斤當歸三兩

生薑五兩

右用水八升煮取三升加蔥椒鹽溫服七合日三服

○若寒多者加生薑成一斤○痛多而嘔者加橘皮

二兩白朮一兩

良方羊肉湯七一

治產婦脾虛寒邪內乘以致腹痛或

頭眩臍脇急痛

精羊肉 四兩 當歸

川芎 各半兩

生薑 一兩

右以水十盞煎至四盞分四次空心服

良方 黃雌雞湯 七十二

治產後虛羸腹痛

當歸

白朮 炒

熟地黄

黃芪 炒

桂心

各半兩

小黃雌雞

一隻去頭足腸翅細切

右先用水七碗煮雞至三碗每用汁一碗藥四錢煎

日三服

母雞湯 七三

治產後褥勞虛汗不止

人參

黃芪

白朮

白茯苓

麻黃根

牡蠣

煨各
三錢

右用母雞一隻去毛雜淨水六七碗同藥煮至三碗
任意服之

豬腰湯

七四

治產後褥勞寒熱如瘧自汗無力欬嗽

頭痛腹痛俱效

豬腰

一對

當歸

白芍藥

酒炒各
一兩

右以藥二味用水三碗煎至二碗去滓將豬腰切如

散子塊同晚米一合香豉一錢加葱椒鹽煮稀粥空
心日服一次神效○或加人參更妙

四神散 七五

治產後血虛或瘀血腹痛

當歸 二錢

川芎

芍藥 炒各一錢

炮薑 五分

右水煎服

太巖蜜湯 七六

治產後陽氣虛寒心腹作痛不食嘔

吐四肢厥逆

生地

當歸

芍藥 炒

乾薑

吳茱萸

桂心

獨活

甘草
炒

小草

各一兩

細辛

半兩

右每服半兩水煎服

良方
人參湯 七七

治產後諸虛不足發熱盜汗內熱脯

熱等證○此即參歸湯亦名團參散

人參

當歸 等分

右爲末先以豬腰子一枚切片糯米半合葱白二莖
入水二鍾煎汁八分再入藥三錢煎服

白茯苓散 七八

治產後蓐勞頭目肢體疼痛寒熱如

瘧

白茯苓 一兩

人參

當歸

黃芪

川芎

白芍藥 炒

熟地

桂心 各半兩

豬腰 一對

右以水三盞入豬腰并薑棗各三事煎二盞去粗入

前藥半兩煎一盞服

良方 七珍散 七九

治產後不語

人參

石菖蒲

生地

川芎
各一兩

細辛
七錢

防風

硃砂
另研各半兩

右為末每服一錢薄荷湯調服

良方趁痛散
八十

治產後骨節疼痛發熱頭重四肢不

舉

牛膝
酒炒

甘草
炒

薤白
各一兩

當歸

白朮
炒

黃芪
炒

桂心

獨活
加薑各半

兩

右每服半兩水煎

補腠飲 八一

治產後傷動腠破不能小便而淋瀝

生黃絲絹

一尺
剪碎

白牡丹皮根

白芨

各一錢
俱為末

用水一碗同煮至絹爛如餲空心頓服服時不得作

聲作聲則不效

良方止汗散 八二

牡蠣

煨粉
半兩

小麥麸

八兩炒黃
為細末

右每服三五錢用猪肉汁調服

良方麻黃根湯 八三

治產後虛汗不止身熱發渴驚悸

不安

麻黃根

人參

黃芪炒

當歸

牡蠣煨粉

甘草

右每服四五錢水煎服

三味參蘇飲 八四

治產後瘀血入肺欬嗽喘急

人參 一兩

蘇木 二兩

右作一劑水煎服○若既愈當用六君子以補脾胃
○若口鼻黑氣起宜急用此藥加附子五錢亦有得
生者

良方黃龍湯 八五

治妊婦寒熱頭疼嘿嘿不食脇痛嘔

痰及產後經後外感風寒熱入胞宮寒熱如瘧等證
○按此即小柴胡湯之去半夏也

柴胡 二錢

黃芩 炒

人參

甘草 各一錢

右用水煎服

陳氏二母散 八六

治產後熱血上攻留於肺經欬嗽喘

促

知母

貝母

人參

桃仁

杏仁

俱去皮尖

白茯苓

右等分每服五錢薑水煎服

豬蹄湯

八七

治氣血不足乳汁不下

用八物湯加黃芪漏蘆陳皮木通先以豬蹄煮汁二

碗煎藥服之○或加天花粉

又方 用豬蹄一副通草二兩川芎一兩甘草一錢
川山甲十四片炒將豬蹄洗切入水六碗同藥煎煮
約至三碗加蔥薑鹽料取汁飲之忌冷物要喫羹湯
助其氣血乳汁自下夏月不可失蓋時用葱湯洗乳
爲佳

良方湧泉散 八八

下乳忌食薑椒辛辣飲食

王不留行

藿麥

麥門冬

龍骨

各二錢

右用豬蹄汁一碗酒一杯煎服以木梳於乳上梳下

玉露散 八九

治產後乳脈不行身體壯熱頭目昏痛

大便滯滯

人參

白茯苓

當歸

炙甘草

各五

分

桔梗

川芎

白芷

各一錢

芍藥 七分

右水煎食後服○如熱甚大便秘結加大黃三五分

炒用

良方 漏蘆湯 九十

治婦人肥盛脈氣壅結乳少

漏蘆

二兩

蛇退

一條

土瓜根

右共爲末酒調下二錢

括萋散

九一

治吹乳腫痛

括萋

一個

乳香

二錢

右用酒煎服

外用南星爲末以溫湯調塗

滑補肝散

九二

治肝腎二經氣血虧損脇脹作痛或

脇脹頭暈寒熱發熱或偏身作痛經候不調

熟地

白朮

炒各一兩

棗仁

炒

獨活

各四兩

當歸

川芎

黃芪炒

山藥

五味子炒杵

山茱萸肉

木瓜各半兩

右咬咀每服五錢棗水煎服

金匱膠艾湯九三

治勞傷血氣衝任虛損月水過多淋

瀝不止

阿膠炒

川芎

炙甘草各一兩艾葉

當歸

各半兩

白芍

熟地各二兩

右咬咀每服五錢水煎服○一方加地榆黃芪即名

安胎散

集驗 加味八珍湯 九四

治婦人思慮過傷飲食日減氣

血兩虛月經不調夜夢交感或出盜汗寢成勞損

人參

白朮

茯苓

當歸

生地

錢各一

炙甘草

川芎

芍藥

軟柴胡

黃芪 各五分

香附 制

丹皮 各八分

水鍾半大棗一枚煎七分食前服

集驗 調衛養榮湯 九五

治婦人室女一切月經不調或

先或後或絕閉不通憎寒壯熱口苦無味欬嗽躁煩
頭眩漸成勞證者

當歸

生地

麥冬

沙參

陳皮

白朮

錢各一

牡丹皮

地骨皮

錢各八

分

柴胡稍

桔梗

分各五

穀芽

錢一

甘草 四分

右加蓮子薑棗水煎服○痰中見血加側柏葉○煩
躁口乾加炒山梔倍麥門冬○脇下脹疼加青皮川

芎○胸膈滿悶加黃連薑炒枳實去麥冬地骨皮○
夜出盜汗加黃連黃芪去柴胡桔梗○大便秘結加
桃仁倍當歸○欬嗽不已加瓜蒌仁阿膠○小水不
利加木通茯苓

良方當歸散 九六

治經水妄行不止及產後氣血虛弱

惡露內停憎寒發熱宜服此去之

當歸 酒洗

川芎

白芍 炒

白朮 炒

黃芩

炒各
半兩

山茱萸肉

一兩
半

右爲末每服二錢酒調日三服○一方無山茱萸○

氣虛者去苓加桂心一兩

良方丹參散九七

良方云丹參一味其治頗類四物湯

能破宿血補新血安生胎落死胎止崩中帶下調經
下產後惡血兼治冷熱勞腰脊痛骨節煩疼

丹參

酒洗去土
瞭乾切

右爲細末每服二錢溫酒調下○經脈不調食前服

○冷熱勞不拘時服

玄胡當歸散 九八 亦名延胡索散 ○治血積小腹疼

痛或因氣逆月經不行肚腹作痛

當歸

赤芍藥

劉寄奴

沒藥

枳殼 麸炒

玄胡索 炒等分

右為末每服一錢熱酒調下

牛膝散 九九

治月水不利臍腹作痛或小腹引腰氣

攻胸膈

當歸 酒浸

牛膝 酒炒

赤芍藥

桂心

桃仁去皮尖

玄胡索炒

牡丹皮各一兩 木香三錢

右爲末每服一錢溫酒調下或每服五七錢水煎服

良方

交加散

百

治經脈不調腹中撮痛或結聚癥瘕產

後中風○又交加散方在和陣二五二

生地

一斤取汁

生薑

十二兩取汁

右以地黃汁炒薑祖薑汁炒地黃祖乾爲末每服三

錢溫酒調服○加芍藥玄胡當歸蒲黃桂心各一兩

沒藥紅花各五錢尤效

薑黃散 百一

治瘀血凝滯肚腹刺痛或腹脹發熱等

證

薑黃

當歸

酒拌各二錢

蓬朮

醋炒

紅花

桂心

川芎

玄胡索

炒

丹皮

各五分

右水酒各半煎服

琥珀散 百二

治心膈迷悶肚腹撮痛月信不通等疾

烏藥 二兩

當歸 酒洗

蓬朮 醋制各一兩

右為末每服二錢溫酒調服

溫經湯 百三

治寒氣客於血室以致血氣凝滯臍腹

作痛其脈沈緊

人參

牛膝 酒炒

甘草 炒各一錢

當歸

川芎

芍藥

牡丹皮

蓬朮 醋炒

桂心

各五分

右水煎服

經
驗
失笑散 百四

治婦人心痛氣刺不可忍及產後兒

枕畜血惡血上攻疼痛并治小腸氣痛

五靈脂

淨者蒲黃等分俱炒

右為末每服二三錢用酒煎熟服○一方用好醋一

杓熬成膏再入水一鍾煎至七分熱服○一方用醋

糊和丸龍眼大每服一九以童便和水各半鍾煎七

分溫服○按此方若用以止痛蒲黃宜減半若用止

血則宜等分或靈脂減半亦可

澤蘭湯 百五

治勞怯經閉

澤蘭葉

二錢 當歸

芍藥

炒各一錢

甘草

炙五分

右水煎服

當歸沒藥丸 百六

治血瘀作痛及血風筋攣骨痺手

足麻木疼痛

當歸

五靈脂

炒各一兩

沒藥 五錢

右爲末醋糊丸桐子大每服三十九薑湯下

醋附丸 百七

治元臟虛冷月候不調腹中急痛赤白

帶下渾身寒熱胎氣壅滯不固

香附米

半斤醋煮
焙乾爲末

右以醋糊爲丸桐子大每服三四十九米飲下

栝子仁丸 百八 治血虛有火月經耗損漸至不通日

漸羸瘦而生潮熱慎勿以毒藥通之宜栝子仁丸或

前澤蘭湯主之

栝子仁 炒研

牛膝 酒拌

卷栝 各半

澤蘭葉

續斷 各二兩

熟地黄 三兩酒拌
蒸爛杵膏

右爲末入地黄膏加煉蜜丸桐子大每服百餘丸空

心米飲下

烏賊魚骨丸 百九

此即內經治血枯方

烏賊魚骨

去甲
四兩

蘆茹

一兩即
茜根

右爲末以雀卵搗丸小豆大每服五丸或十九鮑魚煎湯下以飯壓之○鮑魚即今之淡乾魚也

增損四物湯 百十

治脾虛不攝血去不止

人參

當歸

芍藥 炒

川芎

乾薑

炒各
一兩

甘草

炙四
錢

右每服四錢水煎服

奇效四物湯 百十一

治肝經虛熱血沸騰而崩久不

止

當歸

酒拌

熟地

白芍

川芎

阿膠

炒

艾葉

炒

黃芩

右每服四錢水煎

良方加減四物湯 百十二

治婦人血積

當歸

川芎

芍藥

熟地

蓬朮

三稜

肉桂

乾漆

炒烟盡等

分

右呔咀每服五七錢水鍾半煎七分食遠服

四物二連湯

百十三

治婦人血虛發熱或口舌生瘡

或晝安夜熱

當歸

川芎

芍藥

熟地

胡黃連

宣黃連

各一錢

右作一劑水煎服

人參當歸湯

百十四

治去血過多內熱短氣頭痛悶

亂骨節作痛或虛煩咽噪

人參

當歸

生地

桂心

麥冬

白芍藥

各等分

右用粳米一升竹葉十片水二鍾煎一鍾去米入藥

五錢棗二枚煎服或總煎之亦可虛甚者用熟地黄

良方一味防風散 百十五

治肝經有風以致血得風而

流不歸經者

用防風去蘆爲末每服一錢白湯調服○一名獨聖

散每服二錢空心食前用酒煮白麪清飲調下極效

龍骨散 百十六

治血崩不止

龍骨 煨

當歸

香附 炒各一兩

棕毛灰 錢五

右爲細末每服四錢空心米湯調下忌油膩雞魚炙

煨物

如聖散 百十七

治血崩三服全愈

棕櫚子

烏梅肉

乾薑 俱燒存性爲末各等分

右每服二錢空心烏梅湯調服○一方單用棕皮半

燒半生爲末每空心服二錢亦妙

槐榆散 百十八

治血崩及腸風下血

槐花

地榆 等分炒焦

右二味用酒煎飲之

七灰散 百十九

治血崩神效

蓮蓬殼

罌粟殼

醃蟹殼

益母草

旱蓮草

棕毛葉

藕節 各分俱燒存性爲末

空心醋點湯調下三錢○秘方用棉花子以銅鍋

炒黑爲末黃酒調下二三錢三兩次即止并治崩漏

小產血不止

棕灰散

百二十

方在和陣二一五

治大腸下血及崩漏失血

栢葉散

百二一

治元氣虛弱崩中漏血年久不愈亦

治白帶

栢葉

炒

當歸

生地

續斷

川芎

龜甲

炙

禹餘糧

各一兩半

阿膠

炒五錢

鼈甲

炙兩半

赤石脂

煨

牡蠣

煨

地榆

艾葉

炒

鹿茸

炙各五錢

右爲末每服二錢粥飲調下

子苓散

一二二

一名黃芩散○治壯熱崩中下血是

陽乘陰分故經血泛溢宜清其北方

條黃芩

不拘多少爲細末

右燒秤錘焯酒食前調下三四錢○一方有乾薑白

芷○一方以木耳黃芩等分爲丸俱效

良方 防風黃芩丸 一 二 三

治肝經風熱以致血崩便血

尿血等證

條芩

炒黑

防風

等分

右爲末酒糊丸桐子大每服三五十丸食遠或食前
米飲或溫酒送下

劫勞湯

一 二 四

治勞嗽發熱盜汗體瘦唾中有血或

成肺痿○此救本也非劫勞也能用此者庶可望生
此外恐非佳劑矣

白芍藥

錢炒一

人參

黃芪炒

當歸

熟地

甘草炒

白茯苓

五味子

炒枅

阿膠炒

半夏

制各五分 此上乃其原方 似有不足用者仍宜加倍

右薑棗水煎日三服○鄉人楊元鼎女及笄病此甚危百藥無效偶遇名醫得此方服三十餘劑遂愈不

發

集驗歸神湯 一二五

治婦人夢交盜汗心神恍惚四肢

乏力飲食少進

人參

白朮

白茯苓

歸身各一錢

棗仁

陳皮

各八分

圓眼肉

七枚

甘草

羚羊角

琥珀

末各五分

右羚羊琥珀二味不煎餘藥煎熟去粗入二末和勻

食前服

白芷散 一二六

治下元虛弱赤白帶下或經行不止

等證

白芷 一兩

海螵蛸

二枚燒

胎髮

一團煨

右爲末每服二錢溫酒調下

海藏白芍藥散 一 二 七

治婦人赤白帶下臍腹疼痛如

神

白芍 二兩 炒

乾薑 半兩 炒

右爲細末每服三錢空心溫米湯調下晚又進一服

十日見效

克應丸 一 二 八

治婦人赤白帶下

熟地

赤芍 各二兩

當歸 二兩

赤石脂 煨醋

焯

龍骨

牡蠣焯酒

茯苓

丹皮

艾葉製

川芎各一兩

右爲末醋糊丸桐子大每服五十九空心白湯送下

良方滑石散一二九

治熱淋

滑石五分研

通草

車前子

葵子各四分

右爲末以漿水調服

芍藥散百三十

治婦人血滯腰脇痛

白芍藥

玄胡炒

肉桂各一兩

香附米二兩

醋一升鹽半
兩同煮乾

右為細末每服二錢不拘時白湯調下

良方通氣散 一三一

治腎虛腰痛神效

破故紙

酒炒
為末

右每服二錢先嚼胡桃肉半個空心以溫酒送下

四制香附丸 一三二

調經養血順氣受孕

香附米

一斤分四制酒醋童便
米泔各浸一宿曬乾用

當歸

酒洗

熟地

酒洗

白芍藥

四兩

川芎

各四兩

澤蘭葉

白朮

兩

陳皮

各三兩

黃蘗

酒炒

甘草

酒炒各一

右爲末酒糊丸桐子大每服七十九空心白湯送下

大典女金丹 一三三

此韓飛霞方也一名不換金丹○

內加熟地黃一兩即名勝金丹○治婦人久虛無子及產前產後一切病患此藥能安胎催生妊娠臨月服五七丸產時減痛婦人子宮寒冷無孕如服月餘男女自至又治半身不遂帶濁血崩及產後腹痛吐

逆子死腹中氣滿煩悶臍腹作痛月水不通中風口
噤痢疾消渴敗血上衝頭疼寒熱血運血泄見鬼迷
悶產後傷寒虛煩勞瘦凡婦人諸疾不問久近並宜
服之兼治男子下虛無力等證

人參

白朮炒

茯苓

炙甘草

當歸

川芎

白芍

白薇酒洗

川皮

白芷

藁本

肉桂

玄胡

沒藥另研

赤石脂

另研上
各一兩

香附

醋浸三日炒
香十五兩

右共十六味爲末煉蜜丸彈子大以磁瓶收貯封固
每服一九空心溫酒化下食乾物壓之服至四十九
丸爲一劑以癸水調平受妊爲度妊中三五日服一
丸產後二三日服一九醋湯下亦妙

琥珀丸

一三四

治婦人或老或少或產前產後百病

及療三十六種諸病七疝八瘕心腹刺痛卒中癱瘓
半身不遂八風十二痺手足瘦疼乳中結核結毒懷

胎驚動傷犯不安死胎不下並治

琥珀

硃砂

各另研

沉香

阿膠

炒珠

附子

制

川芎

肉桂

五味子

石斛

各五錢

牛膝

酒浸

當歸

肉蓯蓉

洗酒

曬

人參

熟地

續斷

木香

沒藥

各一兩

一方有牛黃

珍珠

乳香

玄胡

各一兩共二十一味

右煉蜜爲丸彈子大每服一九空心食前午後溫酒

化開服○凡服法或薑湯或米湯或酒或燈草湯或
隨證用引皆可下○若傷寒中風角弓反張用麻黃
湯隨證改湯引送下○孕婦臨月宜一日一服至產
順利不覺疼痛○凡婦人服至五服十服之後日倍
飲食其功言不盡述服者當自覺也

延年益嗣丹

一三五

滋補元氣益精黑髮○按此方

即還元丹也但製法分兩不同宜參酌用之方在補
陣一三九

人參

天門冬

酒浸去心

麥門冬

同上各三兩

熟地黄

酒蒸搗

生地黄

各二兩

白茯苓

酒浸曬乾

地骨皮

酒浸

各五兩

何首烏

鮮者半斤

右將何首烏去皮切片如乾者用米泔水浸軟拈切外用砂鍋入黑羊肉一斤黑豆三合量著水上用甑算算上放首烏煮而蒸之以肉爛爲度鍋蓋須密勿令洩氣取起曬乾爲末煉蜜丸梧子大每服七八十丸空心溫酒送下

續嗣降生丹 一三六

治婦人五臟虛損子宮冷憊不

能成孕○并治男子精寒不固陽事衰弱白濁夢泄
婦人帶下寒熱諸虛百損盜汗短氣無不感應○此
方乃溫隱居求嗣保生篇所載云東京焦員外三世
無嫡嗣後遇一神僧問其故曰無嗣者有三一祖宗
無德自身無行二夫妻年命恐犯禁忌三精神不守
妻妾血寒焦公曰治之有道乎僧曰先脩德後脩身
三年之後到臺山令行童賜以方藥名續嗣降生丹

依方服之後不及二十年子孫數人皆貴顯○此方無怪誕尅伐之品且溫且固凡血海虛寒者服之必佳但溫力有餘補力不足倘益以人參白朮熟地川芎炙甘草各一兩則八珍全而溫補贊育之功當非淺也因命名曰加味續嗣降生丹

當歸

酒洗

杜仲

酒炒

茯神

益智仁

龍骨

煨

桂心

吳茱萸

制

乾薑

半生半熟

川椒

去目

台烏藥

各一兩

白芍藥

酒炒

川牛膝

酒浸

半夏制

防風

秦艽

石菖蒲

去毛

北細辛

桔梗

各五錢

附子

一枚重一兩者臍下作一竅入硃砂

一錢麪裹煨熟取出硃砂留爲衣

牡蠣

大片者以童便浸四十九日每五日

一換取出用硫黃一兩爲末酒和塗徧用皮紙糊實米醋浸濕外以鹽泥厚固之候乾用炭五斤煨過爲末每料止用二兩餘可收貯再用

右爲末以酒煮糯米糊爲丸梧子大以前硃砂爲衣每服三五十丸漸至七八十九空心滾白湯或鹽湯

溫酒下

河車種玉丸

一三七

紫河車 一具

只要母氣壯盛厚大新鮮者但去

胞內瘀血不必挑去鮮紅血脈以米泔水洗淨
用布絞乾石臼内生杵如糊用山藥末四五兩
收乾捻爲薄餅八九個於砂鍋內焙乾以香如

肉脯爲妙

大熟地

酒洗烘
乾八兩

枸杞

烘乾
五兩

白茯苓

人乳

拌曬

三次

歸身

酒洗

人參

兔絲

制

阿膠

炒珠各四兩

丹皮

酒洗

白薇

酒洗各二兩

沈香

一兩

桂心

山茱萸

香附米

用酒醋水三件各半碗浸三日

曬乾畧烘

大川芎

酒浸切片曬乾二兩

右煉蜜和丸桐子大每服百餘丸空心或酒或白湯

鹽湯任下○如帶濁多者加赤白石脂各二兩須以

清米泔飛過用○服藥後忌生蘿蔔生藕葱蒜菘豆

粉之類

八珍益母丸

一三八

治血氣兩虛脾胃並弱飲食少

思四肢無力月經不調或腰痠腹脹或斷或續赤白帶下身作寒熱罔不獲效服一月之後即可受胎虛甚者用藥一觔必能受子

人參

白朮

土炒

茯苓

川芎

各一兩

當歸

酒洗

熟地

酒洗各二兩

炙甘草

五錢

芍藥

醋炒一兩

益母草

四兩五六月採取止用上半截帶葉者不見鐵器曬杵為末

右為末煉蜜丸彈子大空心蜜湯或酒下一丸或為

小丸亦可○脾胃虛寒多滯者加砂仁一兩薑汁炒

○腹中脹悶者加山查肉一兩飯上蒸熟○多鬱者加香附一兩酒製○此徐思鶴醫統方又一方名八珍益母十全丸於前方內用益母草八兩外加沈香四錢○思鶴曰資益坤元補養氣血除淋帶壯形體胎前和氣產後補虛真婦人之聖劑超古今之神方有室家者不可不知也予哂斯世之醫惟集古方香附勝金丹爲女人開鬱調經之要藥殊不審古今虛實之異古人氣實故可用香附開導香附味辛性燥

但能開破而已多用之大耗氣血虛者愈虛病者愈甚而於滋補何有哉今世十婦九虛非補不可再用香附以耗之寢成怯弱之證是辨之不早則危殆而難痊矣○婦人經脈不調或氣血兩虛而身體素弱者宜服此以調養之○經不通者服一料即通不調者一月即調○素不孕者服一月即孕○胎前兼用一服則胎固而安○產後用一服以童便酒化開調下則無壅滯血運之候○多服之補虛活血凡治產

後諸病極穩○若急欲取效以酒調化服

烏雞丸 一三九

治婦人羸弱血虛有熱經水不調崩

漏帶下骨蒸不能成胎等疾

烏骨白毛公雞一隻重二斤半許者閉殺之去毛

雜外用艾葉四兩青蒿四兩切碎納一半在雞

肚內以小酒壘一個入雞并所剩蒿艾用童便

和水灌令沒雞二寸許煮絕乾取出去骨餘俱

同搗如薄餅焙乾爲細末聽用

南香附

去毛淨
一斤

分四分用米泔童便酒醋各浸一

分春秋二日夏一日冬四日取出曬乾畧炒

人參

熟地

當歸

酒浸
洗

生地

川芎

白芍

各三
兩

黃芪

白朮

川牛膝

柴胡

知母

丹皮

各二
兩

鼈甲

醋浸炙
黃三兩

白茯苓

二兩
半

秦艽

一兩
半

黃連

炒

地骨皮

貝母

玄胡索

乾薑

炮焦
各一

兩

右俱爲末用酒醋各半煮糊爲丸桐子大每服五六
十九漸加至百丸溫酒米飲任下忌煎炒辛辣等物
及莧菜

又烏雞丸 百四十

熟地

當歸

白朮

山藥

山茱萸

棗肉

柿餅

蓮肉

各四兩

黃芪

蜜炙
三兩

鹿角膠

狗脊

杜仲

枸杞

蓮鬚

香附

阿膠

川芎

各二兩

烏藥

一兩半

右藥製淨用烏骨雞一隻閉殺之乾去毛去雜連骨
推碎用酒醋各半同藥煮熟去骨烘乾共爲末即將
餘汁少入麪打糊爲丸任意用引送下

唐氏烏雞丸 一四一

人參

懷生

懷熟

青蒿子

去梗

香附

四製

鼈甲

各三兩

白朮

棗仁肉

枸杞

麥冬

雲苓

地骨皮

去骨

丹皮 去骨

白芍 各二兩

歸身 二兩半

川芎

甘草 各一兩

右先將諸藥備完聽用乃取絲毛烏骨白公雞一隻約重一斤許者撲倒去毛穢頭足腸雜不用將雞切作四塊先以鼈甲鋪銅鍋底次入雜藥以免焦腐漸漸加童便約至斗許煮至極爛撈起曬乾爲末將鼈甲去裙并雞骨俱以原汁醮炙至乾爲末同前藥煉蜜爲丸桐子大每空心用清湯送下百餘丸

秘方 烏雞煎丸 一四二

治婦人百病血氣虛勞赤白帶

下

人參

官桂

地骨皮

各二兩

茯苓

三兩

黃芪

蜜炙

當歸

各六兩

生地

熟地

香附

各四兩

右將烏骨白雞一隻男用雌女用雄籠住將黃芪末和炒麩丸如芡實喂雞二七日將雞縛死乾搥去毛并腸雜令淨槌碎其骨入前藥於腹內縫密用酒醋

各一瓶煮一宿取去骨焙乾爲末用前汁打麪糊丸
桐子大每服五六十丸空心鹽湯下

萬病丸

一四三

治月經瘀閉臍腹作痛及產後癥瘕

等證

乾漆

炒烟出青
白爲度

牛膝

酒洗焙
各一兩

右爲末生地黃汁一升用砂鍋慢火熬膏丸桐子大
每服二十九空心米飲下

以下通用方

四君子湯 一四四

方在補陣一

治脾肺氣虛諸證

六君子湯 一四五

方在補陣五

治脾胃虛弱嘔吐吞酸等證

五味異功散 一四六

方在補陣四

治脾胃虛寒飲食少思等證

補中益氣湯 一四七

方在補陣三一

治勞倦傷脾外感不解寒熱瘧痢氣虛不能補血等

證

四物湯

一四八

方在補陣八

治一切血虛勞弱之病

八珍湯

一四九

方在補陣十九

治氣血兩虛調和陰陽

十全大補湯

百五十

方在補陣二十

治氣血俱虛補救元陽

歸脾湯

一五一

方在補陣三三

治心脾虛損

人參理中湯 一五二

溫中補脾胃虛寒諸證

逍遙散 一五三 方在補陣九三

治肝脾血虛鬱怒傷肝等證

加味逍遙散 一五四 方在補陣九四

治肝脾血虛發熱等證

七味白朮散 一五五 方在小兒七

治虛熱作渴

六味地黄丸 一五六

方在補陣一二一

壯水制火之劑

八味地黄丸 一五七

方在補陣一二二

治命門火衰之劑

薛氏四神丸 一五八

方在熱陣一五二

治脾腎虛寒泄痢

五積散 一五九

方在散陣三九

治感冒寒邪

參蘇飲

百六十

方在散陣三四

治四時傷寒感冒

人參敗毒散

一六一

方在散陣三六

治四時傷寒瘟疫

當歸六黃湯

一六二

方在寒陣六五

治血熱陰虛盜汗

柴胡清肝散

一六三

方在寒陣五九

治肝膽風熱瘡瘍怒火寒熱

梔子清肝散

一六四

方在寒陣六十

治肝膽三焦風熱

八平散

一六五

方在寒陣百十五

治臟腑秘結小便赤澀

五苓散

一六六

方在和陣一八二

治小便不利

犀角地黄湯

一六七

方在寒陣七九

治心火動血及斑黃瘡疹

導赤散

一六八

方在寒陣一二二

治心火及小腸熱秘淋澀

桃仁承氣湯

一六九

方在攻陣五

治瘀血小腹作痛其人如狂

玉燭散

百七十

方在攻陣二四

治血虛有滯經閉不通

腎着湯

一七一

方在熱陣百三十

治腎虛身重腰冷

舒筋湯 一七二

方在和陣七七

治產後血滯作痛

交加散 一七三

方在和陣二五二

治產後口吐涎沫不省人事

加味小柴胡湯 一七四

方在散陣二十

治乳母肝火發熱

良方蜜酥煎 一七五

方在補陣六六

補虛潤肺止咳散

柴胡名膏湯

一七六

方在散陣二三

治少陽陽明外感挾火發熱頭痛

都梁丸

一七七

方在散陣七七

治胎前產後傷風頭痛

瓜子仁湯

一七八

方在外科一六四

治產後瘀血腸癰腹中疝痛

子和通經散

一七九

方在攻陣四六

治氣逆經閉

二神散

百八十

方在寒陣八七

治吐血血崩下血

小薊飲子

一八一

方在寒陣百二

治下焦結熱澀血崩淋

海

愈風湯

一八二

方在和陣二一七

治一切失血及產後搐搦

鎖精丸

一八三

方在固陣二六

治白濁白帶

青娥丸 一八四

方在補陣一四五

治腎虛腰痛

獨參湯 一八五

方在補陣三六

治諸氣虛脫

奪命散 一八六

方在補陣三七

治陽邪傷氣暴脫煩躁發渴

景岳全書卷六十一